



DEO OPTIMO MAXIMO
UNI ET TRINO,
VIRGINI DEI-PARÆ, ET S. LUCÆ.

Orthodoxorum Medicorum Patrono.

QUÆSTIO MEDICA,

*CARDINALITIIS DISPUTATIONIBUS
manè discutienda in Scholis Medicorum, die Jovis decimâ-quartâ
mensis Februarii, anno Domini M. DCC. LXXI.*

M. JOANNE-FRANCISCO PARIS,
Doctore Medico, Præsides.

An proprium hominis alimentum, vegetabilia?

I.



Est corporis humani fragilitas, ut nisi sæpe sæpitis reparetur, ultrò in perniciem ruat: ubi vitam vix hausit, jam ad mortem celeri gressu properat: ejus substantia lapsu temporis exiguo consumitur; humores longo jejunio depravati vim acrem induunt, quâ sensim viscera depascuntur, ac tandem corpus miserum, inter acutissimos febris subsultus, rabidæ famis victima, enecaretur. Instantem valent mortem depellere alimenta: alimenta ideo omnigena è diviti gremio fecunda hominum mater tellus exhibet. Non altè effodienda profunda hujus viscera, (nec ulli unquam in mentem venit,) ut ex fodinis mineralibus substantiam eliciamus, cui subigendæ, dissolvendæ, alterandæ,

omnino imparia sunt ventriculi & tonus & calor & varia humorum menstrua. Nec verò sanguis animalium, naturâ repugnante, sensu humanitatis averſante, effundendus. *Ecce dedi vobis*, inquit naturæ conditor, *omnem herbam afferentem semen super terram, & universa ligna quæ habent in semetipsis sementem generis sui, ut sint vobis in escam*. Ecce igitur suprà ipsam terræ superficiem habemus in vegetabilibus alimenta, duris quidem, ex primi parentis lapsu, aquirenda laboribus, sed quantâ varietate; quàm appositè hominis constitutioni pro anni temporibus accommodata! Unum quidem omnium ferè ex nostris in regionibus, omnium in orbe penè toto ab antiquis cognito, omnium denique non barbarorum forſan sed excultorum hominum commune ac præcipuum alimentum panis est, cujus laudes numquam satis evehi posse arbitrabatur Hippocrates. Princeps ille medicorum, solâ ratiocinii face præeunte, non suspicatus à primâ hominum origine in usum venisse panem, nobilissimam Medicinæ palmam assignabat ei qui panificiam artem excogitaverat primus, & ex granis crudis cibum adeò eximium ac temperatum effinxerat, ut & optimi succi alimentum præberet, & nullum corporis humani humorem qualitatis propriæ ac excedentis vitio læderet. Hic sacer homini cibus: cæteris quidem deficientibus, potest homo salvus ac sanus subsistere; pane deficiente, omnis hominum natura marcescit, elanguet & tandem furibundæ mortis ictu desperata percutitur. Nam quamvis in aliis quibusdam regionibus glandes olim, etiam nunc oryza, mays, &c. cùm frumento ac secali certent, semper tamen regis animalium alendi provinciam sibi vindicabit farina-
ceorum familia, nec cam panem immeritò dixeris. Cum verò nonnihil ex variis anni temporibus perpetiatur corpus humanum, Creatorem sua poscebat sapientia ac munificentia alias efſecatur species, quæ medicamentorum vi quâdam pollentes hisce affectionibus mederentur, idèdque suis singulas tempeſtates alimentis distinxit cùm varietate admirabili. Dum enim vere novo sanguis in vasis corporis efferveſcit, ad temperandum calorem ac nimiam fermentationem compescendam, aquâ madentia tenera olerum folia exhibet. Tum æſtas succedit, urget calor, corpora ad fermentationem putridam vergunt, transpiratio immodica vires penè exhaurit; en aptum remedium: quædam superſunt olera, alvum molliunt ac refrigerant lactucæ, portulaca, &c. arcent putritudinem larga acidorum omnis generis copia, transpirationem nimiam coërcere comperiuntur, simul ac refrigerant, melopepo, cucumeres aliæque id generis. Autumni initio, dum nondum omnis extinctus est calor æſtivus & ad veris ferè naturam redit tempeſtas; aquam refrigerantem pariter suppeditant plerique fructus horæi, mora, uvæ, pruna, malorumque ac pyrorum fœcunda varietas. Mox triftis hiems in vicos, in urbes torpentium frigore hominum turbas compellit ac domi continet; frigida aeris temperies cutis poros astringit, novâ donat elasticitate; digestio celerius peragitur: alimenta idèd requiruntur magis nutrientia; en adest radicum omnis generis, en aſſervata pisorum, lentium, phaſeolorum leguminumque aliorum multitudo. In tantâ rerum abundantia, adeòne eſſe avidum hominem cui tot non ſufficiant! Plura exhibeantur, num idèd plùs capiet venter? Aut ſi capiat, num idèd ſtirmior ſtabit bona corporis valetudo? Num

audaciùs & mortem & morbos provocabit? Num totius⁹ eam animi sanitatem comparabit, quâ cupiditatibus, sui benè compos, imperans, solis homini, dum vivit, concessis, solis homine dignis frui possit virtutis deliciis?

I I.

AD perfectam corporis humani sanitatem quid requiritur? Num rotundula cutis crassities, rubicundus in facie nitor, corporis totius quædam ad mollitiem proclivitas? Hoc quidem præstare videmus præsertim carniùm esum. At cave: infidus sub iis floribus sæpè latet anguis, multiplex splendidâ eâ sub specie reconditur incommodorum omnis generis scaturigo. Quàm robustiorem se præstabit ille qui, quamvis squallidulâ oris facie, siccam præ se ferens speciem, incredibili gaudet musculorum robore! Quod ventriculi, quod variorum viscerum elater! Quæ facilitas ad sua digestionis, secretionum & excretionum mûnera obeunda! Quæ totius corporis viget alacritas sub eo, laboribus & aprico indurata, exustæque ac minùs pellucidæ cutis velamine! Quanto impetu omnimoda subit exercitia! Hæc vera hominis sanitas. Homo laboribus, dum vivit, hâc lege damnatus est: *In laboribus, . . . comedes herbam terræ. In sudore vultûs tui vesceris pane*: qui sese iis tentat subripere, iis vivere contendit conditione non homini datâ, vitamque properat incautus amando perdere. Vis solidam homini præbere escam quâ & sanus & longævus & validus, nullisque impar laboribus constituatur? Vegetabilia porrigere: infantibus ac puerulis, quibus deest dentium auxilium, malarum robur, quibus laxior & tenerior est ventriculi compages, concedatur alimentum intra matris ubera attenuatum, elaboratum ac jam quasi incarnatum: grandiores durioribus assuescant, & ad famem sedandam latranti stomacho præbeant vegetabilia. Hoc proprium hominis alimentum: illud quidem forsân difficiliùs subigitur, humoribus nostris minùs est homogeneous, ideòque minùs bene assimilatur. Plurimi negarent, nec prorsùs immerito; nos non diffitebimur: imò, si vegetabilium prima concoctio celerius peragitur, id inde evenit quia eorum, si tamen farinacea excipias, parcius est succus nutritius: acidum quid pleraque obtinentia citò in ventriculo obtinent eum fermentationis acidæ gradum qui requiritur ut chymus è ventriculo in duodenum delabatur per pylorum. Nec mora, fit subitò in duodeno præcipitatio bilis cum chymo: partes terreæ & excrementitiæ, cum plures sint quàm in animalium carnibus, minùsque *præsentì alimento* impeditæ citius dejiçuntur, plerumque adhuc integræ & indigestæ. Ideo inter herbivora quædam, bos, ovis, capra quatuor donantur ventriculis, quibus alimenta iterum iterumque subigantur, succusque copiosior eliciatur. Si vero superbus hominis vecter equus unico tantùm gaudeat stomacho, hujus quoque sæces excrementitiæ multo plures retinet fœni paleas crudas adhuc & integras, cæterùm nullo crurum velocitatis, nullo spirituum animalium ardoris, nullo denique totius corporis amplitudinis & altitudinis damno. Si ea obijciantur vegetabilium incommoda, quid inde? Partes quidem eorum nutritiæ & quasi *futuri alimenti*, quamvis difficiliùs nostræ aptentur substantiæ, exercitiumque ideo nonnullum requi-

tant, tamen semel assimilata multò difficilior avolant, multò intimior solida corporis ab iis penetrantur, hinc majus & firmitus eorum elater, ideoque cuncta corporis munera multò aptius perficiuntur, juxta Hippocratis effatum: *alimentum quod agre alteratur agre consumitur*. Sanguis etiam in iis hominibus nitidior rubet & intensior, & ob majorem triturationem facilius evaporantur humiditates heterogeneæ, ita ut sola pars sanguis purissima remaneat. Ab eâ igitur alimenti vegetabilium veluti crassitie ac tenacitate, & solida & fluida corporis evadunt perfectiora. At verò ad id etiam nonne multum conferat aëra illa vitalis aeris, quam etsi forsan rudiorem, tamen & uberiores & sinceriores continent vegetabilia, nec suis eximiis orbatam virtutibus. Vegetabilia denique minis ad dissolutionem accedunt, quam remove proprius est alimenti finis. Carnium è contrâ succus copiosior, lentius elicitur; tardior sit prima coctio. Partes nutritiæ, facilius assimilantur, facilius quoque avolant. Alimentum enim *quod facile apponitur facile consumitur*. Aer in ipsis contentus jam vim omnem suam deperdidit. Inde nullum fere solidorum elater, latice aqueo extraneo scatet sanguis; oleo quidem redundanti renidet cutis, sed ab eo simul ejus pori occluduntur. Transpiratione impeditâ, carnes jam oleo impinguatæ ac liquefcentes immodicâ refluunt humiditate & imbecilliores ac laxiores factæ, hominem mollem, debilem, somnolentum reddunt & ad exercitium prorsus fere inhabilem.

III.

EX eâ alimenti animalis non satis arctâ & intimâ ac solidâ cohæsiōe quanta exurgit morborum chronicorum præsertim multitudo! li rure exules, urbes, sua regna, animalium omnis generis carnaria affatim obruunt. Nulla est constitutionis species quæ possit infestam eorum morborum vim propellere: iis stricta, iis laxa vestigal pariter exolvit suum. Mollior sit, aquea, debilis solidorum compages; debilitatur adhuc, magis ac magis humiditate combibitur, sit in dies laxior: inde paralyse, apoplexiæ quædam morbi que alii soporiferi; inde, hiantibus veluti articulis, luxationes, rhumatismi chronici; inde herniæ, varices, anevrismata; inde, ventriculi ac viscerum tono deperdito, internasque membranas crassâ obducente pituitâ, prava digestio, prava secretiones, ad obstructionem & glandularum infarctum proclivitas, appetitus dejectio, qui ut revocetur & excitetur, corpori insensissima, visceraque exurens obfessionum malè jucunda excogitatur varietas; inde levis & imperfecta sanguinis elaboratio, in quo serosa prædominatur colluvies, sedes omnium, qui catharris olim tribuebantur, qui à viciatis humoribus nascuntur morborum, scorbuti, scrophularum, scabiei, herpetis, &c. nec tacenda tot mala virginibus ac matribus detestata ac præsertim fluxus ille albus, importuno sæpè comitante capitis & ventriculi dolore nauseisque ac vomitibus molestissimus. Si majori fibræ donantur elatere, cum inter se alimenti vitio non bene cohæreant, singularum seorsim elasticitas in erethismum vertitur: alios molestat partium sensibilitas, facilis animi commotio, transitus quàm maximè difficilis medicamentorum vel leviter turbantium, indomita illa morborum, ut aiunt, *nerveorum*, seu *melancholicorum* hydra: alios exagitant dolores

atrociores, inflammationes acres, spasmi, convulsiones, varias agentes, pro variis quos occupant locis, tragædias. Nec à superflua tantum humiditatis copia, quâ laxiores evadunt fibræ, sola carnum noxa. Norunt omnes nihil oleo inflammabilius esse: animalium vero pinguedo nil aliud est quam oleum jam calore animali elaboratum & ad ranciditatem dispositum: numeram igitur multiplices inflammatorii generis morbos; aliquantulam numeraveris partem morborum quos procreat esus carnum: quibus si comites addantur sæpissimè putriditas, malignitas, quid aliud inculaveris quam sales alkalinos volatiles qui ex carnibus animalium intus ventriculi computrescentibus exhalant? malum illud ipsum horrendum, ingens, quo sæviente tot paucis diebus succumbunt hominum millia, pestis, nonne inter alias causas lethifero præcipuè occisorum animalium esui sæpe debetur, aut soli interdum odori? quibus in casibus tantopere laudatus à quibusdam, tam feliciter usurpatus vegetabilium acidorum, pitisanæ veterum succus, eorum supra carnum jura præstantiam in ipsâ morborum curatione commendavit. Ab eorum salium animalium concretionem nonne etiam calculus & arthritis? Vis sanari eos morbos? Vegetabilibus tantum pro alimento (a) utere. Vis præcaveri? lisdem mensæ cibis onerentur. Quid quod, ex nimia somnolentiâ, ex defectu exercitii, ex pravâ escarum ingurgitatione, ac vini, quod quodammodo requirit usus carnum, potu immodico, plurima etiam malorum pullulet seges? Hæc omnia à carnum usu sequuntur: nonne etenim multò longius somnum protrahit, nonne ab exercitio & labore deterret tarda & difficilis carnum prima digestio? Quid verò facilius sobrietatem suadet, an vegetabilia quorum pleraque, si præsertim nocuis careant condimentis, palatis delicatioribus respondent, an caro animalium mollis & tenera, quæ vix expectatâ malarum impressione, in ore ultro liquefcit. Ea omnia à diætâ vegetabili præcaverentur. Si plura hujus commoda velis ediscere, fastos evolve primorum parentum. Quandiu eorum vita prorogabatur! Interroga tot populos, tot rusticos ex vegetabilibus etiam nunc visitantes quibus ipsa morborum urbanorum nomina prorsus sunt ignota: & si quædam à tempestatum, locorum, aeris, ventorum, aquarum injuriis perpetiuntur, iis communia qui carnibus vescerentur, saltem salvâ conscientia sibi possunt gratulari, quòd nullam carnium damnamandâ ingluvie noxam meruerint.

(a) Inter alia exempla licet unum afferre quod mihi, pro suâ benevolentia ac facilitate, communicavit, diatri medico & omni medicâ laude illustriss. D. ROUX, cui observationem Societatis Regiæ Londinensî anno proxime elapso relatuam, quidam fide dignus hisce verbis conscripsit. *Un nommé Guillaume Word... en Essex, vécût accablé de goutte, rhumatisme, scorbut & d'autres infirmités jusqu'à l'âge de 44 ans. Un Ministre mit le livre de Cornaro entre ses mains. Il commença d'abord à retrancher peu-à-peu toutes les liqueurs fermentées & toutes espèces d'aliment animal de sa diète. Il la réduisit enfin à un Pudding fait de trois chopines de lait avec une livre de biscuit trempées & bouillies ensemble, c'étoit toute sa nourriture, avec de l'eau pour sa boisson, pour 24 h. Quand il a commencé cette diète il pesoit au-delà de 24 livres. Il se trouva bientôt soulagé, & dans l'espace de 20 mois, quitta de presque tous ses maux... Il est plus fort qu'il n'étoit à l'âge de 45 ans, étant capable de lever 500 livres pesant. Il ne pèse que la moitié de ce qu'il a pesé avant son régime, & depuis un an il s'est contenté d'une livre de farine bouillie avec de l'eau & réduite à la consistance de Pudding pour toute nourriture dans les 24 heures. Mitè consonat en observatio cum aliis quam plurimis à Theophilo Lobb. in statu de calculo & arthritide commemoratis.*

SED ut propositi veritas clariùs elucescat & invicte dubitanti animo demonstratur, ipsam hominis naturam considera. Quid sit homo ? Nîm, ut cætera animantia, corpora tantum massa, arte quidem mirabili confectis organis instructa, sed nullis aliis devincta legibus, quam quæ ad corpus spectant, iisque obsequens non sponte propria, civinâ vero *instincta* naturæ necessitate ? Nonne alia est regis animalium dignitas ? Nonne parte gaudet multò nobiliori, quæ in linguâ, oculis, erecto vultu, toto denique spirat corpore ? Nonne ea est hujus partis nobilioris, ideòque hominis natura, ut in eâ supremum numen pro ejus modulo, suam ipsius effigiem, id est, virtutes omnimodas imprimat ac representet ? Quomodo eas comparabit, nisi totius jam naturæ corporum rex & imperator homo, primum suo ipsius corpori fortis imperet ; ratus, partem corpoream, si plura ei concedantur, jugum rebellem excutere, mentem vero aut languentem torpere, nullisque vigere propriis fungentem muneribus ; aut contrâ ardenti veluti febre exagitata, in objecta sibi extranea furentem ac quasi phreneticam hinc inde sine more modoque toto ferri impetu. Quâ ratione imperium illud assequitur ? Quem ei victum Medicus, sanitatem mentis simul & corporis probe callens conciliare, assignabit ? Quodnam ex alimentis expellet regnum, animale an vegetabile ? Quodnam aptius hominem disponet ad virtutem colendam, ad vitia vitanda : hæc continuo labore, assiduis conatibus, indefessâ adversus vim illam unicuique congenitam ad vitia præmoventem reluctatione comparatur, conservatur ; illa, si nullum per totam diem spatium temporis vacuum invenerint, difficilem sibi parabunt aditum ; à sobrietate etiam expelluntur, paucioribus jam & multò difficilius sollicitantibus malorum irritamentis. Jam verò vegetabilia, partes solidiores suppeditantia, fibras indurant, hominemque longaminem ac laborum, fatigationis, sudorum, dolorum, austeriorisque vitæ patientem præstant : imò exercitium requirentia, ad illud hominem, addito necessitatis stimulo, incitant, & adversus molles voluptatum illecebras fastidium, contemptum, horrorem incutiunt : vegetabilia fami potius quam gulæ famulantia, temperantiam in cibo, inde temperantiam in cæteris sensuum usibus, in quâ magnâ ex parte consistit virtus & sanitas, conciliant : vegetabilia partibus donata fixioribus, spiritus animales minis exagitant, firmumque ac solidum judicium secum important. Præstantissimas has dotes non subministrat esca ex carnibus sumpta, etiam modicè ; at quàm facile est, alliciente hujus cibi suavitate, sobrietatis limites prætergredi : cujus pretii foret convivium illud quod carnibus animalium careret ? Earum autem spiritus volatiles admodum citò ad caput feruntur replentque omnia tumultu & exagitatione : quam ob causam lautiores epulas nemo nescit quàm turpes & inhonestæ comitentur sæpissimè miseræ mentis aberrationes. Qualis inter cænandum fuerit homo, talem ferè post cænâ reperies, exercitiis omnibus, tum mentis, tum corporis inhabilem, virtutum minimè tenacem, prònunque in ludum, otium, comitatumque omnem mollietati ac

lasciviæ. Quanquam in feritatem etiam, in audaciam, aliaque hujus generis vitia, ab eâ alimenti animalis specie, interdum impellantur homines; nec unquam feritati carnivori leonis, ursi, tigris reperiens parem, granivororum bovem, equum, asinumve aut mitem agnum. Tot & tanta ex carniû esu, præsertim immodico, vitia exoriuntur! Id fenserant sapientissimi antiquitatis viri, Plutarchus, Plato, Porphyrius, Euripides, Epaminondas, alique hujus notæ, quibus consentiens sacra philosophia aliis suavit abso-lutam à carnibus abstinentiam, cæteris, præter statutos hujus abstinentiæ dies anni non paucos, legem quadragesimalem, hominem ad sui ipsius naturam revocans, instituit. Et ea quidem lex à legibus Hippocraticis parum dissonat, diætam à verno ad autumnale tempus attenuari jubentibus; sed eum tamen sibi priorem proponit finem, ut homo scilicet, benè contemptis pinguium escarum deliciis, corpori vim quamdam inferat, ingratam forsan, sed magnanimo in cupiditates imperio, blandâque boni animi tranquillitate ac solido gaudio redimendam.

V.

NE igitur tantopere homines à vegetabili diætâ averfentur; hæc innocentes vitæ pastoralis delicias nobis delineat, quas vel lautissimi delibare interdum non fastidiunt: hæc vera præterea & animo & corpori præstat commoda. Sunt quos pleraque, ut aiunt, ex vegetabilibus alimenta molestant. An verò molestant omnia? Nonne in tantâ copiâ est quod tollere velis? Imò altius incommodi causam repete: nonne ab obfoniis, nonne à causticâ veterni butiri, veterum ovorum, piperatorumque omnium vi desumenda? Ab obfoniis abstine: at fastidio tunc erunt alimenta ac nauseam movebunt; condimenta parent exercitium, fames: hæc ratione populi ingentes, & fortes & bellicosi evasere, quemadmodum Persæ qui solo pane cum nasturtio vescébantur, cæterum Medis delicatioribus multò præstantiores. Hæc eadem utebantur celeberrimi illi priores Ægyptii, quorum extantia etiam nunc monumenta ingenii sagacitatem, judicii soliditatem toto orbe celebrant: milites verò Annibalis, post delicias Capuæ, quàm mutati ab illis qui simpliciiori roborati victu, feroces Romanorum Aquilas toties victricibus subegerant armis. Quidam de acescentiâ vegetabilium conqueruntur. At verò quinam sunt ii quibus noceat interdum vegetabilium aciditas? Ii quibus non ita ab initio mos fuit. Cur noceat? Id oritur ab inopiâ boni sanguinis, à debilitate fibrarum & sensibilitate, à defectu motûs animalis: vegetabilibus pro alimento familiari vescatur homo, ac simul exercitio utatur; sanguis procreabitur optimus, facile ac libere circuibit, fibræ justo donabuntur elatere. Si adversus diætam à solis vegetabilibus diversa objicias temperamenta, quis prohibet inter diversa vegetabilia tuæ naturæ competentia eligere? Mox te, si audeas, docebit experientia quàm reverâ hominis proprium sint alimentum vegetabilia. Litteratis etiam, iisque quibus, aliquo studio vel meditationi addictis, exercitio uti omnino non licet, exemplo sint Ægyptiorum sacerdotes, Magorumque apud Persas pars tertia, & litteratissima Phænicum natio universa, artium, scientiarumque parens: iis in pane ex loto vel dilutiori polline parato &

diligenter sive per molam acescentem, sive per zythi spumam fermentato tenuis erat & parabilis diæta, ac neque caput petere, neque alium distendere obnoxia. Nec est quod ad hominis conformationem recurras. Dentes quidem habet caninos cum carnis-
voris communes; eos solius panis disructio requirebat: at quodnam sit inter ea ani-
malia quod colo intestino gaudeat? De ventriculo autem, alia sunt inter herbivora
quæ pluribus, alia quæ unico tantum donantur. Quo igitur modo hisce habenda fides
est? Attende potius ad primam hominis originem: ea est vera hominis natura: si
plures deinde subierit mutationes, si consuetudo etiam in necessitatem versa est, id
minime naturæ sed potius hujus depravationi assignandum. Jamverò ante diluvium,
id est, per duo annorum millia, ex sacrâ historiâ constat homines animalium carnem
ne labiis quidem attigisse: neque in eo differunt à sacris prophana. Ante Deucalionem
nemini, juxta poëtas, in mentem venit cruentas in animalia manus inferre, nec nisi
post longum tempus ausi sunt ea ipsa ferro aggredi, quæ cum homine labores agricul-
turæ partiebantur. *Tanta*, inquit Tullius, *putabatur utilitas percipi ex bobus, ut eorum*
visceribus vesci scelus haberetur. Non nisi post multa naturæ primò repugnantis, tristibus-
que horrentis dentes inquinare vulneribus, uctamina, ex aliorum animalium morte, more
leonum, tigrum, urforum homo suam ipsius vitam tentavit prorogare. Antea quòd
sol imbresque dederant, quod tellus sponte suâ, seu ferro exarata produserat, satis id
avidum placabat ventris jejunia. Suo quæque modo cum bene de homine mererentur
domestica animalia, quamdam sibi conciliaverant hominis benevolentiam, nec pre-
tiosius aliquid variis Deorum turbis quam eas victimas potuerunt offerre: pecora
etiam segetibus, vitibus nociva, suam Cereri, caprum Baccho, quasi Deorum vindices
immolabant. Victimæ tunc totas ignis consumebat. Tandem jucundo carniarum nidore
allecti sunt homines. Sapor digito primùm degustatus bene memori palato blandiri
visus est. Mox in tosta cadavera ausi sunt dentes imprimere. Ex holocaustis primùm
Diis subtrahere, dein pro seipsis animalia mactare aggressi sunt, & sic paulatim ad
inustatum cibum assuevere. Ex hisce principiis exorta *προφασια* est, contra quam,
cum nondum Medicina, morborum comes, caput extulerat, sapientissimi & philotophi
& legistatores invexere, miratique *Unde fames homini vetitorum tanta ciborum*, pariter
uno consensu concludebant:

Ergò proprium hominis alimentum, vegetabilia.

Proponerebat Parisiis CAROLUS-JACOBUS SAILLANT, Parisinus, Saluberrimæ
Facultatis Medicinæ Parisiensis Baccalaureus, Theseos Auctor, A. R. S. H.

1771. A SEXTA AD MERIDIEM.